

ՀԱՇՎԵՏՎՈՒԹՅՈՒՆ
ԱՐՄԱՎԻՐԻ ՄԱՐԶԻ ՄՅԱՍՆԻԿՅԱՆ ՀԱՄԱՅՆՔԻ ՂԵԿԱՎԱՐԻ
2020ԹՎԱԿԱՆԻ ԸՆԹԱՑՔՈՒՄ ԱՌԱՋԻՆ ԿԻՍԱՄՅԱԿԻ ԸՆԹԱՑՔՈՒՄ ԿԱՏԱՐԱԾ
ԱՇԽԱՏԱՆՔՆԵՐԻ ՎԵՐԱԲԵՐՅԱԼ

2020թվականի առաջին կիսամյակի ընթացքում Մյասնիկյան համայնքում կայացվել է 3 հերթական և 2 արտահերթ ավագանու նիստեր, որի ընթացքում ավագանին կայացրել է 30 որոշում:

Համայնքի ղեկավարը 2020թվականի առաջին կիսամյակի ընթացքում ընդունել է 47 որոշում և արձակել 11 կարգադրություն: Համայնքապետարան է մուտք եղել 179 գրություն և առաքվել 156 գրություն:

Ղեկավարվելով <<Բյուջետային համակարգի մասին>> Հայաստանի Հանրապետության օրենքի 35-րդ հոդվածի 1-ին մասով բյուջեի կատարողականի և հնգամյա զարգացման ծրագրի կատարողականի վերաբերյալ տրվել է 2019թվականի հաշվետվություն և տեղադրվել համայնքապետարանի պաշտոնական կայքում և azdarar.am-ում:

Կազմվել է Մյասնիկյան համայնքի 2020թվականի տարեկան աշխատանքային պլանը և համայնքի աղբահանության սխեման:

2020թվականի առաջին կիսամյակի ընթացքում համայնքի բյուջեից 19868.6 հազար դրամ գումար հատկացվել է օրենսդիր և գործադիր մարմինների աշխատանքները իրականացնելու համար:

- 2085.0 հազար դրամ գումար է հատկացվել <<Մյասնիկյանի մանկապարտեզ>> համայնքային ոչ առևտրային կազմակերպության պահպանման և սպասարկման համար,
- 930.0 հազար դրամ գումար է հատկացվել <<Երաժշտական դպրոց>> համայնքային ոչ առևտրային կազմակերպության պահպանման և սպասարկման համար,
- Համայնքի վարչական բյուջեի տարեսկզբի ազատ մնացորդը կազմել է՝ 19857.4 հազար դրամ, որից 1962.4 հազար դրամ գումարը ուղղվել է ֆոնդային բյուջե, 6895.0 հազար դրամ գումարը ուղղվել է վարչական բյուջե,
- 2020թվականի փետրվարին Հայաստանի Հանրապետության կառավարության կողմից հավանության է արժանացել համայնքի <<Մյասնիկյան փողոցի ասֆալտապատում>> բյուջետային ֆինանսավորման ծրագրի հայտը, 450.0 հազար դրամ գումար հատկացվել է Մյասնիկյան փողոցի ասֆալտապատման նախագծա-նախահաշվային աշխատանքների կատարման համար, ծրագրի ընդհանուր արժեքը կազմում է 12660.0 հազար դրամ,
- Համաձայն նախագծա-նախահաշվային փաստաթղթերի, այժմ ընթանում են համայնքի մանկապարտեզի <<Ա>> և <<Բ>> մասնաշենքերի, բակի, ցանկապատի վերակառուցման աշխատանքներ, որը կավարտվի մինչև տարվա վերջ:
- Գարնանը համայնքում իրականացվեց ներհամայնքային ճանապարհների և դաշտամիջյան ճանապարհների ընթացիկ նորոգման աշխատանքներ, որի շրջանակներում <<Կոտայք ՃՇՇ>> ՍՊ-ի կողմից կատարվեց փոսալցման և հարթեցման աշխատանքներ:
- Համայնքում ավարտին է մոտենում ներհամայնքային ճանապարհների արտաքին լուսավորության աշխատանքները և լուսավորության ցանցին է միացվել ևս մեկ փողոց՝ Շահումյան փողոցը:
- Համայնքում կանոնավոր կերպով իրականացվում է աղբահանության և սանիտարական

մաքրման, ինչպես նաև կոյուղագծի մաքրման և կեղտաջրերի հեռացման աշխատանքներ. Համայնքում պարբերաբար կատարվել են աղտահանման և փողոցների լվացման աշխատանքներ

- Ծառատունկ իրականացնելու նպատակով ջրագիծ է անցկացվել դպրոցի տարածք և համայնքի կենտրոն.
- Համայնքի բյուջեից 6895.0 հազար դրամ գումար է տրամադրվել ՀՏԶԶ Ջրային տնտեսություն ծրագրերի իրականացման մասնաճյուղին որպես ներդրում՝ ներտնտեսային ոռոգման ցանցի վերականգման շինարարական աշխատանքների համաֆինանսավորման ծրագրի իրականացման համար,
- Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի առաջին մասի 7րդ կետով և հիմք ընդունելով համայնքում գործող սոցիալական հանձնաժողովի եզրակացությունը համայնքի բյուջեից 1275.0 հազար ՀՀ դրամ գումար որպես դրամական աջակցություն հատկացվել է հաշմանդամներին, հիվանդներին, սոցիալապես անապահով բնակիչներին՝ դեղորայքի, վիրահատության, թաղման ծախսերի, ապրուստի կարիքները հոգալու համար.
- Հայաստանի Հանրապետությունում ԿՈՎԻԴ-19 համավարակի հետևանքով ստեղծված արտակարգ դրության պայմաններում բնակչության սոցիալական վիճակի որոշակիորեն բարելավման ուղղությամբ համայնքում բաժանվել է պարենայի օգնություն՝ այլուրի տեսքով՝ համայնքի բյուջեից 50 ընտանիքի բաժանվել է մեկական պարկ այլուր, իսկ 30 ընտանիքի բաժանվել է <<Գոլդեն Ֆլուոր>> ՍՊԸ –ի կողմից՝ որպես բարեգործություն.
- 2020 թվականի ընթացքում գյուղատնտեսական տնտեսությունների գյուղ. մթերքների արտադրանքը կազմել է՝ ծիրան 450 տ, 24 տ հատապտուղ, բազմամյա խոտաբույս՝ 205 տ:
- Համայնքում տարվել է առկա անասնազվաքանակի հաշվառման աշխատանքներ և հիվանդությունների կանխարգելման միջոցառումներ.

Աջակցություն է ցուցաբերվել գյուղատնտեսության արտադրության վարկավորման գործընթացին, հողաշինության բնագավառում աշխատանքներ են տարվել հողերի օգտագործման ժամանակավոր սխեմաների հաստատման, հողամասերի նպատակային նշանակության փոփոխության վերաբերյալ.

Աշխատանքներ է տարվել ապօրինի շինությունների հայտնաբերման և կանխարգելման ուղղությամբ:

Տրվել է երկու շինարարության թույլտվություն, օրինականացվել է մեկ ինքնակամ կառուցված բնակելի տուն,

Աշխատակազմի կողմից ուսումնասիրվել, պարզաբանվել և օրենքով սահմանված կարգով ընթացք է տրվել գյուղատնտեսության վերաբերյալ շուրջ 13 դիմումներ.

Բյուջեի կատարողականը

1. Հայաստանի Հանրապետության Արմավիրի մարզի Մյասնիկյան համայնքի ընդհանուր վարչական բյուջեն 2020 թվականի առաջին կիսամյակի կտրվածքով կատարվել է՝ 94.1 %-ով.

- 1) սեփական եկամուտների գծով՝ 54.9 %
- 2) հողի հարկի գծով՝ 23.9 %
- 3) գույքահարկի գծով՝ 64.8 %
- 4) Տեղական տուրքերի և վճարների գծով՝ 73.7 %-ով:
- 5) ոչ հարկային եկամուտների գծով՝ 97.8 %

2.Վարչական բյուջեի ծախսերը կատարվել է՝ 68.3 %-ով

1) տեղական ինքնակառավարում՝ 98.4 %

2)կրթություն և գիտություն՝ 97.3 %

3)սոցիալական ապահովություն՝ 98.1 %

4)մշակույթ,սպորտ և կրոն՝ 99.7 %

5)արտաքին լուսավորություն՝ 52.5 %

6)ճանապարհների վերանորոգում 91.6 %

Համայնքապետարանը աշխատավարձի և սոցիալական վճարների գծով պարտք չունի:
Համայնքում կատարված բազմաթիվ աշխատանքների,դեռևս կան չլուծված խնդիրներ:

Համայնքի հիմախնդիրներն են՝

1.Կոյուղու և ներհամայնքային ճանապարհների նորոգում

2.Համայնքի մշակույթի տան ընդհանուր վերանորոգում

3.համայնքի կենտրոնի կառուցում

Համայնքի ղեկավար



S.Բաղդասարյան

2020թվականի հուլիսի 31.

2.Մյասնիկյան